

# La'ó Hamutuk

Instituto Timor-Leste ba Analiza no Monitor Prosesu Desenvolvimento

I/1a Rua Mozambique, Farol, (P.O. Box 340) Dili, Timor-Leste

Tel: +670-3325013 or +670-7234330

Email: [info@laohamutuk.org](mailto:info@laohamutuk.org); Web: <http://www.laohamutuk.org>



Dili, 16 de Maio de 2008

**Exmo. Sr. Deputado /a**  
**Parlamento Nasional RDTL**  
**Dili, Timor-Leste**

**Asuntu: Informasaun konaba Esbosu Lei Tributáriu**

**Caro Sr/a,**

*La'ó Hamutuk* hanesan organizasaun ne'ebé fo monitorizasaun no fo analiza ba prosesu dezvoltamentu iha Timor-Leste. *La'ó Hamutuk* fiar katak Timor-oan rasik mak sei foti desezaun iha prosesu ne'e, ne'ebé tenke transparente no demokrátiku.

Hamutuk ho karta ne'e, ami halibur **La'ó Hamutuk nia submisaun no dokumentu seluk tan konaba Esbosu Lei Tributária** ne'ebé mak ita boot sira debate hela iha plenária Parlamentu Nasional; ami espera katak informasaun sira ne'e **bele sai hanesan referénsia ida ba ita boot sira hodi tetu didi'ak lei ne'e** nia implikasaun atu nune'e bele kria lei ida ne'ebé perfétu liu-tan.

Ami haree lei ne'e sei afêta makaas ba moris sidadaun no nasaun nian, impaktu boot ne'ebé sei mosu mai mak hanesan tuir mai ne'e:

- ▲ Iha futuro, Timor-Leste sei depende maka'as ba osan husi petroleu; realmente, 97% rendementu Governo mai husi Petroleu no karik lei ne'e aplika entaon sei aumenta ba 99%.
- ▲ Governu sei fo prezente biliaun rua ba kompañia mina sira karik aplika taxa 10%
- ▲ Lei ne'e sei aumenta *gap* entre ema riku no ema kiak iha nasaun ne'e; basa ema ne'ebé riku sei selu impostu menus duke uluk no ba ema kiak sei selu hanesan deit.
- ▲ Redusaun Taxa la'os dalan unique atu dada investor mai Timor-Leste
- ▲ Lei ne'e sei hamate produitu lokal no kompañia lokal sira; tamba iha ambiente merkadu livre ne'e investor no importasaun sasa ne'ebé tama mai husi rai-liur baratu liu duke uluk tantu produitu lokal sei la folin no kompañia lokal sira sei labele hamrik rasik.
- ▲ Feto ho labarik sei hetan afeksaun husi lei ne'e
- ▲ Sei bele hatama sasan ilegal mai iha Timor-Leste
- ▲ Lei ne'e sei hamenus akontabilidade governo nian ba nia povu sira; Realmente povu maioria hetan salariu \$500 mai okos entaon ema barak mak sei la selu imposto, karik ne'e mak akontese nem populasaun ka governu la *pusing* ba malu.
- ▲ Lei ne'e labele aplika retroativa; karik aplika dunik sei fo benefisiu ba ema riku no kompañia sira deit.

Dokumentus hotu ne'ebé iha ne'e, ita boot sira bele hetan iha La'ó Hamutuk nia website:

<http://www.laohamutuk.org/misc/AMPGovt/tax/TaxReform.htm>

Karik prezisa informasaun liutan bele kontaktu Viriato Seac (731 8653; [viriato@laohamutuk.org](mailto:viriato@laohamutuk.org)) no Charles Scheiner (734 0965; [Charlie@laohamutuk.org](mailto:Charlie@laohamutuk.org)).

Ho Respétu,

**Viriato Seac**  
Pesquisador

**Charles Scheiner**  
Pesquisador